

نوحہ عابد بیمار

روئیاں بیمار دے نال اے بیمار دیاں زنجیراں
قیدی دا ماتم کردیاں نے بازاراں وچ تعزیراں

جیڑے ظلم و ستم سَن شام دے وچ عابد دی کمرتے ویکھ لوو
عابد دی کمرتے لکھیاں نے ہر ظلم دیاں تحریراں

شامی اعلان کریندے رے سب قرض و لاؤ خیر دے
بے مقنع و چادر آئیاں نے شبیر دیاں ہمیشیراں

بازار دے ہر اک موڑ اُتے سجاد اے رو رو کیندا ریا
قرآن نوں ٹکڑے کیتا اے وچ کرب و بلا شمشیراں

عابد بیمار دے جگر وچوں او مردے دم تک نیں نکلے
شبیر نوں زین توں لایا سی مقتل وچ جیڑیاں تیراں

سجاد مدینے جاوے گا رو نانے نوں فرماوے گا
اے نانا شامیاں لٹ لیاں ترے دین دیاں جاگیراں

بازاراں وچ درباراں وچ آوازِ ازاں جدوں آندی سی
سجاد توں اے گل نیں کچھنی کیویں ماں سُنڑیاں تکبیراں

221 اک خوابِ ذبحِ عظیم کدی جیڑا ابراہیمؑ نے ویکھیا سی
 سجاؤ نے شامِ اچ ویکھیاں نے اوس خواب دیاں تعبیراں
 اے نور علیٰ انہاں لوکاں نوں کیوں لوک مسلمان کیندے نے
 کعبے نوں قیدی کیتا اے جناں شامیاں بے توقیراں